

07 MAY 2002

DR MAHATHIR RAI PERWAKILAN PERSIDANGAN ISLAM

PUTRAJAYA, 7 Mei (Bernama) -- Perdana Menteri Datuk Seri Dr Mahathir Mohamad malam ini meraikan anggota perwakilan 56 negara yang menghadiri Persidangan Ketujuh Menteri-menteri Wakaf dan Hal Ehwal Islam di kediaman rasmi beliau di sini.

Sebelum itu, mereka dibawa melawat Kompleks Seri Perdana dan melihat pemandangan sekitar Putrajaya, pusat pentadbiran baru Persekutuan. Mereka kemudian bergambar beramai-ramai di Bilik Tetamu, Kompleks Seri Perdana.

Turut hadir pada majlis itu ialah Menteri di Jabatan Perdana Menteri Datuk Abdul Hamid Zainal Abidin yang juga pengerusi persidangan itu serta beberapa menteri kabinet termasuk Menteri Penerangan Tan Sri Khalil Yaakob.

Persidangan tiga hari itu dirasmikan Timbalan Perdana Menteri Datuk Seri Abdullah Ahmad Badawi semalam.

Hari ini, Dr Mahathir menyampaikan ucapnama beliau pada persidangan itu yang, antara lain, menyatakan umat Islam sendiri yang bersalah bagi kesengsaraan yang mereka alami sekarang dan tidak harus menunding jari kepada orang lain atau menyalahkan Islam bagi nasib mereka itu.

Ucapnama Dr Mahathir itu akan dibincangkan oleh para perwakilan sebagai kenyataan umum pada hari terakhir persidangan esok bersama-sama resolusi lain.

-- BERNAMA  
RZS MFJ NAK